



AWIG AWIG

DESA ADAT SEMPIDI

KELURAHAN : SEMPIDI

KECAMATAN : MENGWI

KABUPATEN : BADUNG

KESURAT : 4 . 10 . 1986

PIDAING
 MATA BANTANG AWIG AWIG
 DESA ADAT SEMPIDI
 S A R A - G I T T A

SARGA I.

ARAN LAN WEWIDANGAN DESA.	
Palet 1. Aran Desa	1
Palet 2. Wewidangan	2

SARGA II.

PEMIKUKUH, PETITIS LAN USAHA.	
Palet 1. Pemikukuh	2
Palet 2. Petitis	2
Palet 3. Usaha	2

SARGA III.

SUKERTA TATA PEKRAMAN.	
Palet 1. Pekraman	3
Palet 2. Parajuru	4
Palet 3. Kulkul	5
Palet 4. Paruman	5

SARGA IV.

SUKERTA TATA AGAMA.	
Palet 1. Dewa Yadnya	7
Palet 2. Rsi Yadnya	7
Palet 3. Pitra yadnya	8
Palet 4. Manusa Yadnya	9
Palet 5. Bhuta Yadnya	9

SARGA V.

SUKERTA TATA PAWONGAN.	
Palet 1. Pawiwahan	11
Palet 2. Pegat mekurenan	11
Palet 3. Angkat Sentana	12
Palet 4. Waris	12

SARGA VI.

DERUWEN DESA LAN KAHYANGAN TIGA.	
Palet 1. Deruwen Desa	12
Palet 2. Deruwen Kahyangan Tiga	13

SARGA VII.

PASUKERTAN DESA.	
Palet 1. Pekarangan	13
Palet 2. Tetanduran lan Pepayonan	14
Palet 3. Wewangunan	14
Palet 4. Wewalungan	15
Palet 5. Pemargin Sawe	15
Palet 6. Penyanggra	16
Palet 7. Bhaya	16
Palet 8. Sesebelan	16

SARGA VIII.

WICARA LAN PAMIDANDE.	
Palet 1. Wicara	17
Palet 2. Pamidande	17

SARGA IX.

PENAMPILH.	
Palet 1. Nguwah-nguwuhin	18
Palet 2. Pamidarta	18

SARGA X.

PEMUPUT.	
Palet 1. Pemuput	18

G A R A C I T T A.

OM AWIGHNANASTU NAMA SIDDHAM.
OM SARASWATI BHARTYA NAMA.

Melarapan saking panghyangning kalih paswecan Ida Sanghyang Widhi Waça asung wara nugraha ngawentenang kahuripan sekala-niskala ring bhuwana Agung lan bhuwana Alit, maka don kaswasthaning bhuwana jangkep saha Tri Hita Karananya, ngastuti kerahajengan ta-ta susila, tata krama sane kebuat ring Desa Adat, angge mikukuhin agama Hindu druwene, nganuttin desa, kala, patra, minakadi Tri Semaya ngaran atita, nagata, wartamana miwah Tri Pramana ngaran pratyaksa, anumana, agama, kedulurin antuk keraketan sejeroning krama Desa Adat miwah ring krama Desa Adat tiosan, minakadi tulung sinulung Selunglung sebayantaka, gumanti memanguhin kerahajengan miwah ker-ta raharja ring Desa Adat.

Sejabaning dresta inucap, minakadi Pancasila, Undang - undang Dasar 1945, miwah sehanan peraturan Negara Republik Indonesia, sa-tan wahren kainggilang, tan wenang miwah tan patut kelempasin antuk awig - awig Desa Adat puniki.

Titanen sinamiyan saking krama Desa Adat Sempidi mepidabdab ngardi awig-awig sane kemanggehang ring wewengkon Desa Adat Sempidi, sekadi ring sor.

S A R G A I.

ARAN LAN WEWIDANGAN DESA .

Palet 1.

A R A N D E S A

Pawos 1.

Desa puniki ngaran D E S A A D A T S E M P I D I .

Palet 2.

W E W I D A N G A N

Pawos 2.

Wewidangan Desa Adat Sempidi mewates nyatur Desa sisi kangin Desa Adat Sading, Sisi kelod Desa Adat Petangan, sisi kawuh Desa Adat Kuanji, sisi kaler Desa Adat Lukluk.

Pawos 3. . .

Pawos 3.

Wewidangan Desa Adat Sempidi ngewengku Banjar Sukaduka luwir ipun :

1. Banjar Sukaduka Kangin,
2. Banjar Sukaduka Tengah,
3. Banjar Sukaduka Gede,
4. Banjar Sukaduka Sengguan,
5. Banjar Sukaduka Sebita,
6. Banjar Sukaduka Grokgak,
7. Banjar Sukaduka Ubung,
8. Banjar Sukaduka Batanasem,
9. Banjar Sukaduka Pande,
10. Banjar Sukaduka Tegeha.

Pawos 4.

Asing-asing Banjar patut wenten wates ipun, mederbe bale Banjar, Bale Kukul lan Perihyangan.

S A R G A II.

PAMIKUKUH, PETITIS, DAN USAHA.

Palet 1.

P E M I K U K U H

Pawos 5.

Desa Adat Sempidi ngemanggehang pamikukuh:

1. Pancasila, manut keanggehang ring Mukadimah Undang-undang Dasar 1945.
2. Undang-undang Dasar 1945.
3. Pasilih Asih selunglung sabhayantaka.

Palet 2.

P E T I T I S

Pawos 6.

Petitis Desa Adat Sempidi :

1. Ngerajegang Agama Hindu mejalaran antuk astiti Bhakti ring Ida Sang Hyang Widhi Wasa.
2. Nincapang Keweruhan Krama Desa Adat kalih kewerdianing Bhoga, Upabhoga, paribhoga.
3. Ngewangun pasukertan ring Pekraman, kandugi mangguhing kejangatdhitan melarapan antuk pasilih asih selunglung sabhayantaka.

Palet 3.

U S A H A.

Pawos 7.

Petiti's ring ajeng kelaksanayang mejalaran antuk Triwarga, Dharma, Artha, kama.

Pawos 18.

Ayahan kengin kegentosan antuk wakil manut perarem Banjar.

Pawos 19.

Sane polih luput ring Desa inggih punika;Bandesa adat,Penyarikan ,
Pahetangan,Pemangku Kayangan Tiga,Sang Sulinggih lan Pinandita,uta-
wi Mangku Sonteng.

Pawos 20.

Leluputan sane manggeh ring Pawos 19 patut keterimayang antuk pa-
nyalediyinyane.

Pawos 21.

Sane tan nyarengin utawi luput ayahan ring Desa inggih Punika Pe-
kaseh,Kesinoman,Hansip.

* PEMITEGES INDIK AYAHAN.

1. Prade rikalaning ngayah wenten sinalih tunggil krama metilar
sedurunge puput karya,wenang krama inucap keni sisip tanjek
laler kewastaning.
2. Krama sane wusan mepekraman ring desa Adat Sempidi tan polih
pahpahan artha Brana Desa (Guak ngutang taluh kewastania).

Palet 2.

P A R A J U R U .

Pawos 22.

Parejuru Desa inggih punika sang sane ngenterang Desa Adat.

Pawos 23.

Parejuru Desa wenten kalih scroh :

1. Parejuru Desa;Bandesa,Penyarikan,Paetangan ngenterang druwen
Desa.
2. Parejuru Banjar; Kelihan Sukaduka,Penyarikan,Paetangan ngen-
terang druwen Banjar.

Pawos 24.

Parejuru ngenterang Desa Adat mewaneng limang warsa.

Pawos 25.

Parejuru kepilin miwah kegentosin medasar antuk perarem krama Desa.
Kilampun Parejuru keadegin keduluran antuk medewa saksi ring Pura
Bale Agung keprebiya olih Desa Adat.

Pawos 26.

Sang keanggehang Perajuru krama Desa sane megama utawi ngagem Agama
Hindu meyusa kirang langkung tigang dasa warsa sampun merabian lan
weruh ring aksara.

Piteges Palet 2 Parejuru..

* PITEKES PALET 2 PARAJURU:

1. Bandesa pinaka penuwa kesanggra antuk Penyarikan, juru surat Paetangan, juru raksa.
2. Swadharmaning Bandesa Adat: Ngenterang saha ngelaksanayang sedaging awig-awig muang perarem Desa.
3. Miletin tur ngenterang krama rauning warga Desa ngupadi antuk Petitis.
4. Mawosang kalih niwakang pemutus arepe ring wicara Krama Desa.
5. Maka Duta Desa muang baweh ring sape sira ugi.
6. Parajuru sane iwang pelaksanannyane dados kerarianang manut perarem.

Palet 3.

A U L A U L.

Pawos 27.

Kukul punika sarana Desa utawi Banjar maka cihna ring pasikian peka-
yun ritatkala suka duka.

Pawos 28.

Suaran Kukul sane kerajegang mebina binaan artin ipun sekadi ring
sor puniki :

1. Suara apisan tugak artin ipun sinalih tunggil krama sampun embas maderbe oka.
2. Suara kalih tulud banban artin ipun Krama sane kedauhan patut medal manut kebuatan.
3. Suara ping tiga tugak artin ipun wenten sinalih tunggil Krama Banjar kelayu sekar utawi padem.
4. Suara ping nem ngompang artin ipun sinalih tunggil pianak utawi okan Krama Banjar ngerangkat.
5. Suara bulus ngelantur artin ipun nyihnayang bhaya puun utawi geni bhaya.
6. Suara bulus mewali wali artin ipun cihna bhaya, Jiwa bhaya wenten anak ngamuk.
7. Suara ngompang banban arti ipun wenten Bulan utawi Matanai kepangan.
8. Suara kalih tulud megat, artin ipun arahan pekaryane tan durus.
9. Suara atulud banban artin ipun bhaya sampun parasida katu-
lungin, utawi aman.

Palet 4.

P A R U M A N.

Pawos 29.

Paruman luwir ipun; Paruman Krama Banjar, Paruman Krama Desa, Paruman Parajuru Banjar lan Paruman Parajuru Desa.

Pawos 30.

Pawos 30. ✓

Paruman krama Desa nganutin kebuatan sekirang ipun limang warsa apisan, paruman Banjar nganutin kebuatan sekirang ipun nyabran asasih apisan, paruman Parajuru nganutin kebuatan sekirang ipun nyabran asasih apisan.

Pawos 31.

Paruman kelanturan ri sampun kerawuhin penyungkem lintang ring atenge.

Pawos 32.

Paruman kaping siki lan kaping kalih, taler tan nganutin pawos 31 ring ajeng paruman kaping tiga kelanturan, penyungkem sane rawuh wenang ngerajegang tetepasan.

Pawos 33. ✓

Penyungkem sane tan ngerawuhin peparuman, patut kesisipan.

Pawos 34.

Penyungkem sane tan ngerawuhin peparuman tur sampun mepesadok ring parajuru, tan kesisipan.

Pawos 35.

Tetepasan paruman kebawos pastika ri sampun kecumponin manut penyungkem lan perarem gilik seguluk utawi Musyawarah mupakat.

Pawos 36.

Tetepasan taler keanggehang pastika ri sampun kecumponin lintang ring atenge saking sang rawuh.

* PAMITEGES PARUMAN.

1. Parejuru Desa medruwe kewenangan wantah ngerincikang pidabdab usaha Desa kepungkur saha tan wenang ngemedalang tetegenan ring Krama sedurunge keingkupang antuk Krama Desa sejawinang padgate kala.
2. Ritatkala paruman patute, Parajuru muang krama desa sane parum ngangge bhusana adat nyelempot saha tan kedadosan makta gegawan.
3. Paruman langkung ping tiga taler tan ngemedalang tetepasang Parejuru wenang nunas bawos ring Guru Wiḡeḡa.
4. Tetepasan paruman maka pamiteges patut kesiarang.
5. Ritatkala Paruman tan maren ngarcana ring Ida Bhagawan Penyarikan maka serana widi-widana canang sari utawi cane.
6. Maka serana jagi, ngawitin kelaksanayang penyacak sep-sepan saha riwusannya nyacak paruman kekawitin.
7. Tan kelugra ngawetuang suara gora utawi byota yan pradene wenten asapunika kesisipan manut perarem, kebawos keni kecamil.

S A R G A IV.
SUKERTA TATA AGAMA.

Palet 1.

DEWA YADNYA.

Pawos 37.

Pura-pura sane kemanggehang Kayangan Tiga : Pura Desa Bale Agung,
Pura Puseh, Pura Dalem.

Pawos 38.

Periyangan miwah wewangunan ring Kayangan Tiga Keaci saha keperebi-
yanin lan kepiara olih Krama Desa.

Pawos 39.

Sehananing Pura ring sewewengkon Desa Adat Sempidi patut keaci tur
kepiara olih sang sane nyungsung.

Pawos 40.

Pura-pura : Taman Sekar, Taman Biji, Taman Belong, Penataran, keelingan
antuk krama Desa.

Pawos 41.

Sape sira keni kesebelan utawi kecuntakan tan kedadosang ngeranjing
ring Pura-pura Kayangan Tiga, muang pura sane liannan.

Pawos 42.

Sejeroning penyengker ring Kayangan Tiga, muang pura-pura sane tiosan
kepatutang nganutin Tattwa Agama.

Pawos 43.

Sane memurug pawos 41 miwah 42 ring ajeng kesinanggeh sisip tur ke-
dande manut perarem.

Palet 2.

RSI YADNYA.

Pawos 44.

Ring Pura-pura Kayangan Tiga patut keadegang Pemangku.

Pawos 45.

Pemangku Kayangan Tiga tan keneng cuntaka.

Pawos 46.

Ngadegang Pemangku sane sampun kelaksanayang antuk Krama Desa Adat
Sempidi manut sekadi ring sor:

1. Ngewilangan tur ngemanggehang turun-temurun.
2. Nunas pewuwus wara nugraha Sanghyang Widhi Wasa.
3. Sampun sinanggeh kapingit tur kepilih nganutin dresta.

Pawos 47.

Prade sinalih tunggil Pemangku Kayangan Tiga kapialang, pangacine
kengin kemargiang olih Pemangku Kayangan Tiga sane tan keni kapi-
alang manut pewarah Bandesa.

Pawos 48.

Pawos 48.

Sehanangning sesari patut kealap antuk Pemangku.

* PAMITTES PALET 2 ASI YADNYA:

1. Pemangku Khayangan Tiga Patut mediksa Widhi.
2. Pemangku Khayangan Tiga sane mantuk patut keaben olih Krama Desa Adat Sempidi.
3. Nyabran warsa, Pemangku Kayangan Tiga, keaturang, bhusana putih arangsukan saking Desa Adat Sempidi.

Palet 3.

PITRA YADNYA.

Pawos 49.

Genah mendem utawi ngeseng sawe emongan Krama Desa Adat Sempidi sane meagama Hindu manut sehananing upacara-upakara ipun kewastanin Setra.

Pawos 50.

Rahina pemendeman utawi pengesengan sawe ring Setra patut ngarsayang pemargi ring Bandesa Adat lan sang Wikan.

Pawos 51.

Rahina pemendeman utawi ngeseng sawe, sane tan onang ring Setra Desa Adat Sempidi sekadi ring sor :

1. Rarainan Khayangan Tiga, miwah piodalan Khayangan Tiga.
2. Prewani, Purnama miwah Tilem.
3. Saraswati, Pagerwesi, Galungan miwah Kuningan.
4. Ida Bhetara ring Khayangan Tiga kantun nyejer.

} Kala goting
Semut Sedulur
Porsah

Pawos 52.

Sapa sira ugi tan kepatutang nginepang bangbang ring Setra. Bangbang sane tan durus keanggen mendem sawe, patut keupakara sepatut ipun.

Pawos 53.

Rare sane meyusa kirang ring tigang sasih padem, patut kependem paremangkin tan ngetangan dewasa.

Pawos 54.

Sejeroning Desa ri kala jage mendem sawe lintangan ring adiri ring rahina tur Setra tunggal, patut sane nampekan Setra memargi rihinan.

Pawos 55.

Pawos 54 ring ajeng taler kemargiang ri kala pelebon utawi ngaben.

Pawos 56.

Sejeroning Desa ri kala wenten mendem sawe miwah ngaben ring rahina lan Setra tunggal, patut sane mependem kemargiang rihinan.

Pawos 57.

Layon sane mejalaran salah pati, ulah pati, dados kebakte budal tur keupakara, saha kependem utawi keaben, sepatut ipun.

Pawos 58.

Pawos 58.

Sapa sira ugi sane pacang ngaben patut mesadok ring prajuru Banjar utawi Bandesa Adat.

Pawos 59.

Asing-asing krama Desa sane meagama Hindu padem patut keaben. Ngaben kelaksenayang olih sane mederbe sawa utawi Krama Desa Adat antuk Pengeritan manut perarem Desa Adat.

Pawos 60.

Dunungan utawi penumpang, sane meagama Hindu, sane wenten kulawarganyane mekrama Desa Adat iriki, ritatkala kapialang padem saha jaga mependem utawi kageseng ring setra, patut naur batu-batu manut perarem sana pengupakara setra sepatutipun.

Pawos 61.

Asing-asing krama desa tan kepatutang mendem utawi ngeseng sawa, wiyadin ngeseng sawa pereresian ring sejeroning karang paumahan, alan, sawah sejebag Desa Adat Sempidi.

Palet 4.

MANUSA YADNYA.

Pawos 62.

Manusa yadnya inggih punika upacara-upakara dharmaning manusa ngawit saking patemoning kama petak kalawan kama bang sejeroning garbha ngantos kelayu sekar. Upacara-upakara inucap medudonan sekadi ring sor :

1. Megedong-gedongan.
2. Embas rare.
3. Kepus udel.
4. Roras rahina.
5. Tutug kambuhan.
6. Nigang sasihan utawi metelu bulanan.
7. Pawetonan utawi aoton enem bulanan.
8. Tugtug kelih utawi Rajaswala, Rajasinga.
9. Metatah utawi mepandes.
10. Mewiwaha.
11. Mawinten.

Upacara-upakara inucap, nista, madhya, utama manut sastra Agama saha catur dresta.

Palet 5.

BHUTA YADNYA.

Pawos 63.

Bhuta yadnya inggih punika upacara-upakara pabyakala ring pertiwi lan Kayangan, sarwa prani saha upacara-upakara ring bebhutan.

Pawos 64.

Upacara Pabyakala ring sarwa prani luiire:

1. Ring sarwa tumuwuh ri kala Tumpek Pengatag (Saniscara Kliwon wariga).
2. Ring sarwa ingon-ingon ri kala tumpek kandang (saniscara Kliwon Uye).
3. Upacara pekala-kalaan manusa anut wiguna, kebawos Pabyakala.

Pawos 65.

Upacara pabyakala ring pertiwi, Kahyangan lan Bebhutan kewastanin mecaru.

Pawos 66.

Pecaruan inucap ring ajeng, nista, madhya, utama manut wiguna sekadi ring sor :

1. Eka sata.
2. Panca sata.
3. Panca sanak.
4. Tawur Agung.
5. Gana.
6. kelud.

Pawos 67.

Sejabaning upacara ring ajeng kewentenang upakara:

1. Banten saiban utawi yadnya sesa nyabran wusan weratengan.
2. Masapuh-sapuh ring pura utawi Parhyangan-parhyangan.

Pawos 68.

Nangken ngewarsa ri kalaning Tilem Kesanga kewentenang Tawur Kesange, ketah kebawos Ngerupuk, maka cihna pacang mapag rahina Penyepian. Upacara Penyepian kelaksanayang antuk Krama Desa Adat Sempidi manut "Lontar Sunarigama" inggih punika: Amati geni, amati karya amati lelungan, amati alelungan.

Pawos 69.

Pebratan inucap kelaksanayang saha kemargiang saking semengan ngantos benjang semengan saking rahina Penyepian.

Pawos 70. ✓

Sapa sira memurug kecaping Pawos 69 ring ajeng keni kedande manut perarem.

Pawos 71.

Enjang semengan wus rahina Penyepian kebawos ngembak geni maka cihnapengawit icaka warsa. Patut soang-soang Krama Desa Adat sami mesimakrama.

Pawos 72.

Bhuta Yadnya kewentenang manut perbuatan, ring sasih Kelima kewentenang Bhuta Yadnya nanggluk merana.

Pawos 73.

S A R G A V.
SUKERTA TATA PAWONGAN.

Palet 1.

P A W I W A H A N.

Pawos 73.

Pawiwahan kelaksanayang mantuke patemon daha taruna sane sampun manut yusan ipun melarapan antuk lulut-asih gumanti pacang maku-renan manut Agama.

Pawos 74.

Pewiwahan kelaksanayang mejalaran antuk :

1. Mepadik kepekardiang olih asing-asing kulawarga kedararin antuk lulut asih.
2. Ngerorod utawi merangkat medasar antuk tresna asih lanang istri sareng kalih manut dresta Desa.

Pawos 75. ✓

Asing-asing pewiwahan sane sampun pastika patut kesadokan ring Guru Wiḡeḡa manut puruse.

* PAMITEGES PEWIWAHAN:

Dudonan pekrunan pewiwahan utawi merangkat.

1. Melaku, inggian punika mesadok ring Parajuru Dinas utawi Adat saha nyihnayang ilikita lingga tangan sang sane merangkat lanang Istri keduluran antuk lulut asih saha ketureksa ring Parajuru Dinas pingkalih Adat.
2. Pekerunan utawi Pererasan.
3. Pemuput.

Palet 2.

PEGAT MAKURENAN.

Pawos 76.

Pegat mekurenan sinalih tunggil padem kalih nyapian.

Pawos 77.

Pegat mekurenan lanang istri pasah tan sida kumpul malih patut mesadok ring Bandesa. Tetepasan sane sinanggeh pastika risampun polih ilikita saking Guru Wisesa utawi Pengadilan.

Pawos 78.

Nyapian sane sampun polih tetepasan ring ajeng patut ngaturang upakara Dewa Saksi ring Bale Agung kesaksinin antuk Bandesa.

Pawos 79.

Sinalih tunggil tan ngerawuhin tatkala ngelaksanayang Pedewa saksi upakarane kemargiyang.

Palet 3. Angkat Sentana ..

Palet 3.

ANGKAT SENTANA.

Pawos 80.

Sane dados angkat keanggehang sentana, jadme lanang utawi istri durung mapikuren, saha tuwuh utawi yusan ipun alitan ring sane ngangkat.

Pawos 81.

Pilih riyin pengambilane patut saking puruse, yan tan wenten saking puruse wawu saking peredane, yaning tan wenten sinalih tunggil wawu ngambil ring sapa sira ugi.

Pawos 82.

Sentana sane manggeh pastika manut adat, sesampune mejalaran upacara kesaksinin antuk parajuru adat kalih kesiarang ring krame.

Pawos 83.

Asing-asing ngangkat sentana sekadi ring ajeng, patut kesadokan ring Guru Wisesa.

Pawos 84.

Balu nyeburin, yaning ipun mapikuren malih, kesinanggeh kelesa.

Palet 4.

W A R I S.

Pawos 85.

Sane sinanggeh waris artha berana lan tetegenan.

Pawos 86.

Sane sinanggeh pewaris, preti sentana puruse, sentana peperasan sane pastika.

Pawos 87.

Pedum waris lanang lan istri pateh, yaning tan sangkaning kelesa.

Pawos 88.

Waris kengin keterima antuk pewaris, ri sampun sane ngewarisang keaben.

Pawos 89.

Karang waris tan dados keadol, kegadaiang, ketukar, yan tan polih penyungkem kulawarganyane.

Pawos 90.

Balu sane tan mederbe pianak, makte artha berana saking tetataadan, artha berana punika tan kesinanggeh warisan.

S A R G A VI.

DERUWEN DESA LAN KAYANGAN TIGA.

Palet 1.

DERUWEN DESA.

Pawos 91.

Deruwen Desa sekala niskala, Pura Kayangan Tiga saha sedagingnyane. Deruwen Desa sane lianan, tanah sane keanggen SD.1 Sempidi keduwe tengahan antuk Desa Adat Sempidi lan Kuanji, sabha Budaya, Wantilan Desa Adat Sempidi.

bersambung

Palet 2.

DERUWEN KAYANGAN TIGA

Pawos 92.

Tanah tegal, tanah sawah, deruwen Khayangan Tiga kewastanin pelaba.

Pawos 93.

Sekeluwirin pederben Khayangan Tiga inucap patut wenten ilikitan ipun.

Pawos 94.

Upon-upon Pelaba Pura inucap keenterang antuk Perejuru Desa, keanggen mecikang, miara, kalih parebiya upakara Parhayangan amongan Desa Adat utawi Krama Desa manut perarem.

Pawos 95.

Sapa sira ugi tan kedadosang ngadol, nukar, Pelaba inucap sejawining wenten tetujon siosan manut perarem saha ilikita.

Pawos 96.

Deruwen Desa lan Khayangan Tiga patut kesadokang antuk parejuru Desa majeng ring ring Krama Desa nyabram asasih.

S A R G A VII.

PASUKERTAN DESA.

Palet 1.

PEKARANGAN.

Pawos 97.

Seluwirang karang patut wenten margi.

Pawos 98.

Karang paumahan, teba, patut wenten wates mepenyengker utawi pagehan.

Pawos 99.

Karang paumahan patut maulu kaler lan kangin, tur kekuasa olih sane medruwe ulu.

Pawos 100.

Karang paumahan sane meajeng kemargi, patut kesengker olih sane neruwenang.

Pawos 101.

Karang medruwe petelajakan sane wenten ring jalan Desa, margi ring ajeng mejebar asanan Wadah kirang langkung sia meter, patut kepelia-ra antuk sane mederbe karang.

Pawos 102.

Pawos 102.

Ritatkala ngaryaning penyengker pekarangan utawi wates sane ngelikadin patut kecumponin olih pengadinniyane.

Pawos 103.

Sapa sira ugi melaksana ring pewatesan lan penyengker sane ngawinman rusak lan mocolan anak siosan, patut kesisipan:

1. Mecikan sehananin sane rusak.
2. Kedande agung alit ipun manut perarem.

Palet 2.

TETANDURAN LAN PEPAYONAN.

Pawos 104.

Tetanduran lan pepayonan tan dados ngungkulin sane ngeranayang bahaya karang paumahan anak siosan ri kala nandur dohnyane adepa agung kirang langkung kalih tengah meter saking wates.

Pawos 105.

Tetanduran lan pepayonan sane ngeranayang bhaya anak siosan iwang patut genahnyane, ketetepang olih Parajuru Desa.

Pawos 106.

Pepayonan sane patut keebah utawi keabut, ketotor, kelaksanayang olih sane mederbe wewenang, mewaneng kalih uku, utawi empat belas rahina ngawit saking rahina penetepang tetepasan Parajuru Desa.

Pawos 107.

Pepayonan inucap ring ajeng sane tan kelaksanayang olih sane mederbe, dados kelaksanayang olih sang sane kebhayangang sah pengkatannyane wiyadin tetotorannyane kebukti antuk sang sane kebhayananin.

Pawos 108.

Pepayonan bah utawi empak melarapan saking bencanan jagat sang mederbe pepayonan luput saking sisip antuk sane keni kesengkalan.

Pawos 109.

Pepayonan sane keebah, ketotor, kepongcol tur ngerubuhin wewangunan anak siosan, sane ngangken ngelaksanayang patut kesisipan lan negen perebiya, mecikan kerubuhan, saha medulran upakara pemerascitan.

Palet 3.

WEWANGUNAN.

Pawos 110.

Wewangunan tan kuasa ngelintangin wates pekarangan ngungkulin wewangunan anak siosan.

Pawos 111. ✓

Wewangunan sane keanggen kerangkeng wewalungan, Jempeng, Kakus, Pesisiraman, Pewaregan, kotorannyane tan kuasa ngelintangin wates pekarangan.

Pawos 112.

Pawos 112.

Wewangunan ring pawos 111 inucap kotorannyane patut kewentenan wawangunan bangbangan Septiktank lan pengisipan.

Pawos 113.

Sapa sira tiwal ring pawos 111, 112, inucap patut kecisipan lan me-cikan kerusakan tur kedande manut perarem.

Palet 4.

WEWANGUNAN.

Pawos 114.

Sehananin Wewalungan tan kuasa melumbar.

Pawos 115.

Wewalungan suku patpat sane melumbar wenang ketaban lan patut kepi-are saha kesadokan ring Parajuru.

Pawos 116.

Wewalungan sane ketaban patut keserahang ring sang sane mederbe, se-sampune nawur dande lan penebusan ring Parajuru.

Pawos 117.

Pikolih penawuran lan penebusan, kebukti antuk sane naban, Parajuru lan krama Banjar.

Pawos 118.

Wewalungan sane tan wenten ngariangken jantos asasih nunggu pitung rehina utawi petang dasa kaleh rahina, wewalungan inucap dados keku-wasayang antuk sane polih naban miwah krama Banjar.

Pawos 119.

Wewalungan ring ajeng inucap, padem sangkan tan kerencanayang sane na-ban patut mesadok ring Parajuru, sane naban luput saking pengentosnyane.

Palet 5.

PEMARGIN SAWE.

Pawos 120.

Krama Desa patut mederbe margi ritatkala muat sawe utawi mekutang, sa-ne mula dados utawi lumrah keentasin muat sawe rawuh ring setra.

Pawos 121.

Ngentasin sawe ring tegalan wiyadin sawah manut pewarah Parajuru Desa wiyadin Parajuru Subak utawi Pekaseh, tegal wiyadin sawah keentasin inu-cap, patut keupakara antuk sang sane mederbe sawe sepatutipun.

Pawos 122.

Jadme padem ring pekarangan umah, tegal, sawah genal panika patut keupa-kara antuk sang sane mederbe sawe.

Pawos 123.

Pawos 123.

Jadme padem tan kejantenan sang sane mederbe, patut mesadok ring parajuru.

Palet 6.

P E N Y A N G G R A .

Pawos 124.

Sinalih tunggil krama Banjar ngewangun Karya Panca-Yadnya, luwir ipun Dewa-yadnya, Rsi-yadnya, Pitra-yadnya, Manusa-yadnya, Dhuta-yadnya, dados nunas penyanggra ring krama Banjar.

Pawos 125. ✓

Krama sane ngewangun karya-yadnya patut mesadok ring parajuru ngawitin pitung rahina, sedurung rahina pemuput.

Palet 7.

B H A Y A .

Pawos 126.

Sane kean behang bhaya ring limang soroh, kewastahing Panca Bhaya luwir pun:

1. Jiwa bhaya, minakadi keleben amuk.
2. Artha bhaya, minakadi kebegal, kerampok, kemalingan.
3. Umah bhaya, minakadi umah puwun.
4. Er bhaya, minakadi belabar utawi kebanjiran.
5. Duracara bhaya, ring desa adat, Agama, minakadi mesanggama ngajak buron, ngerusak parehiyangan.

Pawos 127.

Krama Desa, krama Banjar sane uning kewentenan bhaya ring ajeng patut gelis nepak kulkul Banjar cihna bhaya tur kesadokang ring parajuru.

Pawos 128.

Kerama Banjar pengadinnyane patut gelis nyawurin suwaran kulkul punika, nyantos kulkul Banjar sekuwub Desa Adat Sempidi mesuwara nyawurin saha krama Desa, krama Banjar gelis patut medal saha seregep gegawan ipun mepitulung ring sang sane keni bhaya.

Pawos 129.

Bhaya Duracara ring Agama lebiyaktayang mecihna Tri Premana, saksi ilikita, bhukti, sane melaksana patut kesisipan tur kedande saha upakara pemerascita manut perarem saha keatur ring Guru Wisesa.

Palet 8.

S E S E B E L A N .

Pawos 130.

Pengambilan sesebelan ring Banjar utawi Desa Adat luwir ipun:

1. Ngawit suaran kulkul cihna padem lan saking mependem jantos tigang rahina.

Pawos 130. 2. Yaning...

2. Taling sawene keaben, ngawit ngulapin jantos tigang rahina, saking rahina pemuput.

SARGA VIII.

WICARA LAN PAMIDANDE.

Palet 1.

WICARA.

Pawos 131.

Seluwirin wicara patut kepuputang olih Parajuru.

Pawos 132.

Wicara sane tan meresidayang puput ring Banjar, Patut kelanturang ring parajuru Desa Adat.

Palet 2.

PAMIDANDE.

Pawos 133.

Seluwirin wicara sane sampun janten parajuru nepasang sisip, sang sane keni sisip patut ngelaksanayang utawi nawur buntas sejroning pewanengan ipun, minakadi pamidande, hutang, peturunan, manut sekadi sane sampun kecumponin.

Pawos 134.

Sekluwiring dande, hutang, paturunan, sane tan buntas kelaksanayang utawi ketawur sejroning pewanengan ipun, parajuru patut mepekeling ring sang sane sisip.

Pawos 135.

Pekeling parajuru inucap tan kelaksanayang, arth berana sane sisip dados kerampag, luwir ipun ingon-ingon suku kalih, suku patpat, entik-entikan, pepayonan, sawah, tegalan, sejawining perabot pawon, sane keangen ngerereh pengupa jiwa, asapunika taler sane keinggilang manut agama Hindu, tan wenang kerampag.

Pawos 136.

Rerampagan kelaksanayang mewaneng pitung rahina ngawit parajuru mepitahuyang ring sane keni rerampagan punika.

Pawos 137.

Rerampagan tan dados kelaksanayang sejroning sengker pewanengan sang sane keni rerampagan nawur buntas kesisipan ipun.

Pawos 138.

Rerampagan kemargiyang olih parajuru, kesarengin kerama Banjar ngerawuhin umah sane keni rampag tur ngambil artha berana sane keserahang sane keenggen muntasin kesisipan ipun, minakadi hutang, peturunan muang dande.

Pawos 139.

Pawos 139.

Artha berana rerampagan punika kekuasa antuk parajuru keanggen mun-
taein kesisipan sang sane keni rampag, patut keadol semael ipun ke-
biyaktayang ring krama Banjar, pikolih rerampagan lintang ring ge-
bogan dande, peturunan, hutang, selangkung ipun patut kebudalang
ring sang sne keni rampag.

Pawos 140.

Parajuru, Krama Banjar, tan polih pedum saking pelaksana punika.

S A R G A I A.

P E N A M P I H.

Palet 1.

NGUWAH - NGUWUHIN.

Pawos 141.

Awig-awig Desa Adat Sempidi dados kewah-wuhin malih, sesampune kera-
remin antuk kalih pah tiga pupulan parum Krama Desa.

Pawos 142.

Keputusan nguwah-nguwuhin awig-awig Desa Adat Sempidi inucap ring a-
jeng patut wenten ilikita saha lingga tangannyane tur kepidartayang
ring kerama Desa Adat olih Bandesa Adat Sempidi.

Palet 2.

P A M I D A R T A.

Pawos 143.

Sane durung munggah ring awig-awig Desa Adat Sempidi inucap tetep
kemargiyang nganutin dresta.

S A R G A X.

P E M U P U T.

Palet 1.

P E M U P U T.


Pawos 144.

Awig-awig puniki kekardinin, antuk, olih, saking, krama Desa Adat Sem-
pidi medasar antuk, Dresta, loka dresta, purwa dresta, Desa dresta,
sastra dresta, saha sampun kemargiyang saking nguni ring pekraman De-
sa Adat Sempidi.

Pawos 145.

Awig-awig puniki kewastanin awig-awig Desa Adat Sempidi ketetepang lan kesiarang ring ranina Saniscara Wage, Wuku Julungwangi, titi pengel long ping 15 sasih ketiga rah 8 tenggek Windu icaka warsa 1908. Tanggal : 4 Oktober 1986 megenah ring Wantilan Desa Adat Sempidi Makacihna pemutus Awig-awig puniki saha kelingga tanganin antuk para-rajuru Deasa Adat, Parajuru Banjar Sukaduka, Kelian Dinas, seweng-ka Desa Adat Sempidi.

Luwir sang sane ngelingga tanganin;



MENGAWI
(I NYOMAN ASUM.)

Kelian Sukaduka Br. Kangin,
(I NYOMAN DERI.)

Kelian Sukaduka Br. Gede,
(I WAJAN DARTI.)

Kelian Sukaduka Br. Sebita,
(I MADE CANDRA.)

Kelian Sukaduka Br. Ubung,
(I PUTU GEDE SUATA.)

Kelian Sukaduka Br. Pande,
(SI NYOMAN GARUM.)

Kepala Lingkungan Kangin,
(I PUTU ADNYANA.)

Kepala Lingkungan Gede, Sengguan,
(I PUTU LOJI.)

Kepala Lingkungan Ubung,
(I WAYAN SEROTA.)

Kepala Lingkungan Tegeha.

(I MADE SUWANDA.)

Penyarikan Desa Adat Sempidi,
(I KETUT SATEM.)

Kelian Sukaduka Br. Tengah,
(I PUTU NIDEP.)

Kelian Sukaduka Br. Sengguan,
(I PUTU SUMERTA.)

Kelian Sukaduka Br. Grokgak,
(I MADE PUGER.)

Kelian Sukaduka Br. Batanasem,
(I MADE MANDRA.)

Kelian Sukaduka Br. Tegehe,
(I NYOMAN YASA.)

Kepala Lingkungan Tengah,
(SI KETUT ROMIAGA.)

Kepala Lingkungan Sebita, Grokgak,
(I KETUT KAMPUR.)

Kepala Lingkungan Batanasem,
(I MADE SUDIARTA.)



CAMAT MENGWI.
DWS. IDA W. MURDHKA.
NIP. 010076473.

